

سنة لکى در سعادت ایچون مجیدیه
یکرمی غروش حسابیه التمش
غروشدر

طشمره ایچون پوسته اجرتی اوله رق
اون بش غروش ضم اولنور

نسخه سی ٤٠ پاره در

فکر لکى محاکمات

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

توجیهات

در سعادت استیناف محکمه سی اعضائی بک اوغلی
بدایت محکمه سی اعضا سندن عزتو یچی بکه
بک اوغلی بدایت محکمه سی اعضائی در سعادت
بدایت محکمه سی مستنطق اعضا سندن رفعتو مخلص بکه
در سعادت بدایت محکمه سی مستنطق اعضائی
در سعادت استیناف محکمه سی اعضا ملازم لردن عزتو
صدر الدین بکه

در سعادت استیناف محکمه سی اعضا ملازم لکى
بک اوغلی بدایت محکمه سی ایکنجی حقوق دائره سی
باش کاتبی رفعتو محمد غالب افندی به تفویض بیورلمش
ومومى الیهمدن مخلص و صدر الدین بکلرک اولجه
امر تحلیف لری اجرا اولدینی کبی یچی بک ایله محمد
غالب افدینک دخی ذات شوکتسمات حضرت
خلافتناهی به و دولت علیه لری نه صادقانه ایفای حسن
خدمت ایده جک لری نه و مغایر عدالت حرکاتده بولمیه -
جق لری نه دائر بوکره امر تحلیف لری اجرا ایدلمشدر .

مدللو و قیصری و بنگازی و کوریجه و پروزه
واسکیشهر و عشاق و عینتاب و قواله تجارت محکمه لری
رئیس لری قوتلو احمد و سیلوستروس و محمد رفیق واحد
حمدی و سرکز قره قوچ و محمود وهبی و اسماعیل حق
و حسن خانی و قسطنطنی افندی لره رتبه رابعه توجیه
بیورلمشدر .

تجلیز و تحویل

بک اوغلی بدایت محکمه سی ایکنجی حقوق دا -
ثره سی باش کتابته عدلیه نظارت جلیله سی مکتوبی
قلمی خافا سندن و مکتب حقوق شاهانه مأذون لردن
عزتو جیل بک تعیین اولمش و علی الاصول امر
تحلیفی اجرا ایدلمشدر .

تبلیغات

ارباب جرائم تعیین سن لری امرنده جته ولهجه به
باقلمیه رق نفوس جریده سنده کی قید رسمی به اعتبار
اولنسی محکمه تمیزک مقررات عدیده سی احکامندن
اولوب واقعا جته ولهجه نك هر زمان موجب اعتماد
اوله مامسی جهتله قید رسمینک مدار استناد اتخاذ
ایدلمسی ضروری ایهده قری وقصباتده وقوعه کلان
تولداتک کونی کونه نفوس اداره لری نه بیلدیر لیه مدیکی
میدانده و بعض ارباب جرائم نفوس جریده سنده
مقید اولان سنی ظاهر حالی مکذب بولمقده ایکن
حکامک تطبیقات قانونیه جه هر حالده قید رسمی به
اعتبار مجبوریتنده بولندیرلمسی موافق معدلت و مصالحت
اوله میه جغندن بحثله جته ولهجه ایله نفوس جریده سی
آره سنده قابل تألیف اوله میه جق درجه ده بر مبانیت
کورلدیکی حالده تصحیح سن قاعده سی دائره سنده
مدعی عمومیلرک مجالس اداره به مراجعتله قرعه معا
مله سنده اولدینی کبی مجرمین و متهمینک سن صحیحی
تحقیق و تعیین ایتدیرملرینک اصول اتخاذی حقنده
مناسرت و قوصوه ولایت لری عدلیه مفتش لکرندن وقوع
بولان اشعاره ، اظهار حقیقت ایچون اجرا اولنه جق
معاملات مساع قانونی داخلنده اولق لازم کلوب
قرعه معاملاتنده تعیین سنه دائر جریان ایدن تحقیقات
ایسه مجرمینک سن صحیحی مرتبه ثبوتیه ایصال ایله
تأمین معدلت ایله جکندن و اجرا قلنه جق تصحیحات
قیودیه به بنا ایدیه جک احکام محکمه تمیز مقرراتنده
مخالف اولیه جغندن بروجه اشعار ظاهر حالی مکذب
احوال وقوعنده مجالس اداره به مراجعتله قرعه
اصولی اوزره مجرمینک سن صحیح لری تعیین
ایتدیرلمسی احکام قانونیه نك عدالت مطلوبه دائره سنده
تأمین حسن جریانه خادم اوله جی جی جوابی انجمن
عدلیه افاده سیله ذکر اولنان مفتش لکره اعطا قلمشدر .

محاکم تجارتده اعضا ملازمی اولمامسی و محکمه
باش کاتبنک دخی اجرای وکالت صلاحیتنی قانوناً
حائز بولنمامسی حسبیه رد اعضا وقوعنده هیئت

محکمه نك نه وجهله تشکیل ایدیه جکی استفسارینه دائر
خداوندکار ولایتی محکمه استینافیه سی مدعی عموم -
میلکندن وارد اولان تحریراته ، طشمره تجارت محاکم
کمنده اعضا ملازمی بولنمامسندن و باش کاتب لره دخی
اعضایه وکالت وظيفه سی تودیع ایدلماش اولمسندن
ناشی محاکم مذکور هیتتجه رد اعضا وقوعنه ویا
خسته لق کبی بر معذرته مبنی طاری اولان نقصانک
اکالیله تسریع رؤیتی ملتزم بولنان دعاوی تجارتیه نك
تأخراتدن وقایه سی ایچون اعضا انتخابنده عدد قانونی به
حصر معامله اولنمیوب درت بش ذاتک داخل انتخاب
ایدلمسی و بولنردن حائز اکثریت اولانلرک آلنه رق
دیگر داخل انتخاب اولان و اقلیتده قالانلرک دخی
هیئت حاکمه نك اکیال نقصانی ضمانتده دعوت اولنسی
اصول متیخذه ایجابندن اولسنه مبنی رد اعضا وقوعی
ویا معذرت سائر نك وجودی حالنده هیئت حاکمه نك
صور محرره وجهله اکیال ایدیلرک ایشه باقلمسی
لازم کله جکی جوانی انجمن عدلیه افاده سیله ویرلمشدر .

محاکمات و مقررات

آیدین سنجانی بدایت محکمه سی مدعی عمومی
معاون سابق رزقاه افدینک اوراق انفصالیه و مداد
فعه نامه سی انجمن انتخاب مأمورین عدلیه جه لدی -
التدقیق جواز استخدامنه قرار ویرلمشدر .

حاجی محمدک طوار اغیلنی احراق ایتمسندن
دولانی جنایتله اتهام اولنان آغا محمدک برائتنه دائر
انقره استیناف محکمه سی جزا دائره سندن ویریلان
قرارک تمیزی حقنده محکمه مذکور مدعی عموم -
میلکی طرفندن اسرا قلنان استدعا ایله اوراق
مترعه سی بالتدقیق برائت قرارلرینک مدعی عمومیلر
طرفندن تمیزی آنجق اصول محاکمات جزائی
قانوننک اوچوز اون بشیجی ماده سی حکمنه استناده
متوقف اولدینی حالده ذکر اولنان استدعا و مربوطی
لایحه مندرجاتی ماده مذکوریه استناد ایدلمدیکی

آكلاشلمش وبومثالو مواده ايسه مدعى عمومىلك ماده مذكوره خارجنده تميز دعوايه صلاحيت قانو- نه لرى بولقامش اولديغندن مذكور استدعائك بو جهندن درينه محكمه تميز استدعا دائره سنجه قرار وېرلمشدر .

سرقه ماده سندن دولاي مظنون عليه اولان محمد بن حاجى عليك آلى ماه مدته حبسه دائر اورفه سنجايى بدايت محكمه سى جزا دائره سندن وېرلان اعلامك تميزى حقنده اعطا ومحلى مدعى عمومى معاوولكندن اسرا قلنان استدعا ايله اوراق مفترعه سى بالتدقيق مذكور اعلامك قابل استيف اولدينى حاليه استيناف دعوى ايدىلكمزين تميزاً تدقيق استدعا قلندينى آكلاشديغندن ناشى استدعاى مذكورك درينه محكمه تميز استدعا دائره سنجه قرار وېرلمشدر .

اعلام غياييك صدورندن اول وجاهاً جريان ايدن محاكمه نك واستماع ايديلان شهود شهادتلك تفصيلاً اعلامه درج قلما- مى تقض حكى مستلزم بولنديغه دائره محكمه تميز حقوق دائره سندن اعطا اولئان ۲۴ تموز سنه ۳۱۷ تاريخلى اعلامدر :

فاتح جوارنده ميرمران حسين باشا محله سنده بلا نومرو خانه ده مقيم قصاب اصنافدن ثابت اغا ايله فاتحه صره قصابرده بلا نومرو دكانده شكر وقهوه فروخت ايدن يحيى افندى پنده متكون دعوايه دائر درسمادت ايكنجى تجارت محكمه سندن ۶ كانون اول ۳۱۶ تاريخى ودرت يوز الهى اوج عددى ايله وېرلان اعلام ، مرقوم ثابت اغا طرفدن تميز ايدىلكه اعلام مذكور طرفلك اعتراض وجواب لايحه لرله بالمطالعه تدقيقات تميزيه اجراسته ابتدار اولدى .

اعلام مذكورك خلاصه مالى مومى اليه يحيى افنديك ايكنجى تجارت محكمه سنده وېرديكى استدعا ده مرقوم ثابت اغا ذمتده كياه بدلندن غير از تسامم آله جنى اولان درت بىك بش يوز التمش غروشك مع فائض تحصيلى طلب ودعوى اولغىسى اوزرينه اجراقلان محاكمه وجاهه لرده مدعى مومى الهك اثبات مدعا ضمنتده استماع اينديرديكى شهودك سراً وعلناً تزكهرى بالا اجراعدل ومقبول الشهاده اولدقلىرىك آكلاشلمى وكيه فئاتك تقدبرى ضمنتده تجارت اوطة سندن استعلام كيفيه قرار وېرلمى اوزرينه تعيين

اولئان كونده مدعى عليه مرقومك اثبات وجود اجتماعى جهيله وكيل مسخر تعيينيله غياباً جريان ايدن محاكمه نتيجه سنده كياه بدلى اوله رق طلب اولئان درت بىك بش يوز التمش غروشك مع فائض مرقوم ثابت اغادن تحصيله دائر وېرلان اعلام غياييك عند الاعتراض تأييد وتصديقه حكمن ومستدعيتك اشبو حكم علينده لايحه سنده محرر اعتراضاتك باشلوجه سى استماع اولئان شهودك دعواى واقعه به موافق صورته اداى شهادت ايدوب ايتدكلى آكلاشلمق ايچون شهادتلىرىك مفصلاً اعلامه درجى اقتضا ايدر ايكن محكمه به بوندن ذهول ايدلىسى مغاير قانون اولديغندن بخشله اعلامك تقضى ولايحه جوابيه مؤداسى دخی سرد ايديلان اعتراض غيروارد اولدينى بيانیه ردی وموافق اصول وقانون اولان اعلام مذكورك تصديق استدعاسندن عبارت بولمشدر .

ايجايى مذاكره اولندقه اعلام مذكور مألندن متفهم اولدينى اوزره اعلام غياييك صدورندن اول دعواى واقعه حقنده وجاهاً جريان اينديكى بيان ايديلان محاكمه نك واستماع اولئان شهودك شهادتلك تفصيلاً اعلام تميز به درج وحكايه ايدلىسى لازم كلور ايكن مسكوت عنه براقلمى مغاير قانون اولديغه بناء اصول محاكمه حقوقيه قانونك ايكي يوز اوتوز ايكنجى ماده سى موجبجه اعلام مذكورك قضيه قانون مزبورك ايكي يوز قرق دردنحي ماده سى حكمنه توفيقاً كيفيتك بالرؤيه اعلامه ربطى ضمنتده محكمه مذكوره به اعاده سنده ودرتيوز بر يقيق غروش مصارف تميزيلىك ايلروده حقتىز چقه جق طرفه عائد اولق اوزره اول امرده مستدعیدن اخذينه ۲۴ تموز سنه ۳۱۷ تاريخنده متفقاً قرار وېرلدى .

معدن قضاسك بريان قريه سى اهالي سندن رمضان بن احمدك ضرباً كيفيت قتلندن دولاي جنايته اتهام اولئان صالحلى قريه لى باشونك زوجيه سى ذوالفيه قادينك بش سنه مدته كوركه قولئسنه دائر ارغى سنجايى بدايت محكمه سى جزا دائره سندن ايكنجى دفعه اوله رق وېرلان ۲ مايس سنه ۳۱۶ تاريخلى اعلام محكمه تميز جزا دائره سنجه تصديق ايدلمشدر .

چاقىر بكلى قريه سندن يورك ولينك قتل قصديه جرخندن دولاي جنايته اتهام اولئان زيبك عليك اوج سنه مدته كوركه قولئسنه دائر آيدن سنجايى بدايت محكمه سى جزا دائره سندن اعطا قلئان ۶۵ نومرولى اعلام محكمه تميز جزا دائره سنجه تصديق اولمشدر .

پوسكوللى اوغلى سليمانك كيفيت قتلندن دولاي جنايته اتهام اولئان عزيز بن قرق مصطفائك اون بش سنه مدته كوركه قولئسنه دائره قرق حصار شرقى سنجايى بدايت محكمه سى جزا دائره سندن اعطا قلئان ۵۴ نومرولى اعلام محكمه تميز جزا دائره سنجه تصديق اولمشدر .

عمر اوغلى رشيد ورفقاسك اثنائى راهده اشيا سيله حيوانائى غصب ايتلندن دولاي جنايته اتهام اولئان پاسينلر قضاسك ماليكوم قريه سى اهالي سندن خالد و ابراهيمك اوج سنه مدته كوركه قولئلرينه دائر اضرروم ولايتى استيناف محكمه سى جزا دائره سندن اعطا قلئان ۲۴۲ نومرولى اعلام محكمه تميز جزا دائره سنجه تصديق اولمشدر .

اورمان مامورى عبدالله افنديك كيفيت قتلندن دولاي جنايته متهم اولان كرد عليك بش سنه مدته كوركه قولئسنه دائر قريه سى سنجايى بدايت محكمه سى جزا دائره سندن ايكنجى دفعه اوله رق وېرلان ۸۳ نومرولى اعلام محكمه تميز جزا دائره سنجه تصديق اولمشدر .

بوستانلى قريه لى خرقه لى اوغلى عبدالحكم معامله جبر و شدت اجرا سيله قبوللرينى سرقه ايتلندن دولاي جنايته اتهام اولئان چودارلى قريه لى بلوكاشى اوغلى احمد وقره ولى اوغلى ابراهيم وويلسك اوجر سنه مدته كوركه قولئلرينه دائر قرق حصار صاحب سنجايى بدايت محكمه سى جزا دائره سندن وېرلان ۱۳۸ نومرولى اعلام محكمه تميز جزا دائره سنجه تصديق ايدلمشدر .

اشقيايه يتاقلق ايتسندن دولاي جنايته اتهام اولئان منلك قضاسك اولاح قريه سى اهالي سندن طر اندا قيل ولد يوانك اوج سنه مدته كوركه قولئسنه دائر سيروز سنجايى بدايت محكمه سى جزا دائره سندن اعطا قلئان ۹۸ نومرولى اعلام محكمه تميز جزا دائره سنجه تصديق ايدلمشدر .

رؤى قولليرندن عليك كيفيت قتلندن دولاي جنايته متهم اولان قزلبه صغير قريه لى طوپال عثمان اوغلى حاجى احمدك اون بش سنه مدته كوركه قولئسنه دائر ماسيه سنجايى بدايت محكمه سى جزا دائره سندن ايكنجى دفعه اوله رق اعطا قلئان الهى يدى نومرولى اعلام محكمه تميز جزا دائره سنجه تصديق اولمشدر .

قازيلى قريه سى اهالي سندن عبدالمطلبك كيفيت قتلندن دولاي جنايته اتهام اولئان قريه مذكوره لى عبده بن زين الدينك اون بش سنه مدته كوركه قولئسنه دائر خداوندكار ولايتى استيناف محكمه سى جزا دائره سندن اعطا قلئان يدى نومرولى اعلام محكمه تميز جزا دائره سنجه تصديق اولمشدر .

اوجيوز اون يدى سنى سى تشرين ثانسك يديجى كيجه سى ادرنه قوسى جوارنده حاجى محى الدين محله سنده بال اوغلى زقاغنده مانوق ولد آغويى بالهور جرح و قتل ايلديكى ادعاسيله متهم بولئان يوناللى نيقولى حقنده اجرا قلئان محاكمه نتيجه سنده مرقومك فتل قتل مذكوره جرأتى على الدرجات واقع اولان شهادت ودلائل وامارات ومعايينه راپورى مندرجائيله ثابت اولديغندن اولوجهل مجرميته وقانون جزائك يوز تيش دردنحي ماده سنك فقره اولاسى حكمنه توفيقاً اون بش سنه مدته كوركه وضع اولئسنه محكمه جنايته قرار وېرلمشدر .

اوجيوز اون يدى سنى سى اغستوسك ايكنجى بازار كيجه سى صارى يارده معدن محله سنده كاڻ خانه سنده آراهى كاملى ايقه سنى سرقه مقصديه بالتصور يحاقله جرح و قتل وسنه مرقومه توزينك يكرمى يديجى كيجه سى طنائى سلاح ايله تهديد و طاشله جرح اينديكى ادعاسيله متهم بولئان شوكتك اجرا قلئان محاكمه سى نتيجه سنده مرقومك افعال مذكوره به جرأتى شاهدلك على الدرجات واقع اولان شهادت و متهمك مقتوله بولان بيچاك كندوسك اولديغنى سوليسى ومعايينه راپورلى مندرجائى ودلائل وقرائن ايله ثابت اولوب اتحقق قتل مذكورك سرقه مقصديه اشاع اينديكى آكلاشيله مديغندن مرقوم شوكتك تهديد و جرح وبالهور قتل فعللرينك فاعلى اولق اوزره مجرميته واعظم جرمى اولان قتل فعلندن طولاي قانون جزائك يوز تيش دردنحي ماده سنك فقره اولاسنه توفيقاً اون بش سنه مدته كوركه قولئسنه محكمه جنايته قرار وېرلمشدر .

عربلر زقاغنده ساكن رجي ضرب وجرح ايدن حاجى حسن بن سعيدن اوج آلتون آلته رق مضروب رجه اعطاسنه

بك اوغلى سنده يكيشهرده مقيم طلومبه جى قايبكك باينى وبردردى كرقور ايله ديمتريك دخی محله مذكوره بكجيسى احمد اغايى ضرب ايتدكلى اصولاً ثابت اولديغندن بولردن قايبكك بكرمى كون وكرقور

ايله ديمتريك دخی بشر كون حبس لرله برابر كندولرندن اوتر بشلك جزاى نقدى آلتسنه خاصكولى صلامونى ضرب ايدن منتشك برهفته ومرقوم صلامونك دخی منتشى ضرب ايتسندن ناشى اون بش كون حبس لرله

فيروز اغا طلومبه جيلرندن رفعت بن حسنك حق دخولى اولدينى خالد جيچكجى زقاغنده ماريجه نك خانه سنده كيرديكى ثابت اولديغندن اوج كون حبسه طاطاولاده باركجى طودورى ولد ديمتريك الما طاغنده ساكنه قاتنه نك خانه سنده طاش آتهرق جاملرلى قيردينى ثابت اولديغندن اون كون حبسيله برابر اون بش بشلك جزاى نقدى آلتسنه

اسراى زنجيه سدن اولدينى تيين ايدن ظرافت قاذينه اسراى زنجيه تجارتنك منغنه دائر اولان نظامه موجبجه عتقنامه اعطاسنه

غلطه ده عرب جامع شريفى جوارنده ساكنه اربى بنت يوركيسك قايلويى ضرب اينديكى ثابت اولديغندن ايكن آلتون آلته رق مضرويه وېرلمسه بانغائنده ساكن ديمتريك بقال خرسونك اموال منقوله سنده ايراث خسار ايلديكى ثابت اولديغندن اون بش بشلك جزاى نقدى آلتسنه

بك اوغنده ايا قسطنطين زقاغنده ساكن ديمتري وزوجه سى قيله بطره وكرميه سى قليمنايك محله مذكوره لى شودور ولسارپو واتنيانى ضرب ايلدكلى ثابت اولديغندن هراوچندن برليرا آلته رق مضروبلره وېرلمسه

خاصكولى كيغورقك آنتيجه سى موئيزى ضرب ايلديكى اصولاً ثابت اولديغندن بر ليرا آلته رق مضرويه اعطاسنه

محمود باشاده طراحيلرده كى دكاننده اجراى تجارت ايدن زاق ولد خايمك شرتخانه زقاغنده ساكنه دوردى ضرب اينديكى ثابت اولديغندن كنديسسندن بر ليرا آلته رق مضرويه وېرلمسه

صراف سوقراط ولد استاورينك شيشليده مقيم عمر اغالك سندن شق ايلديكى ثابت اولديغندن بر سنه حبسه وبش ليرا جزاى نقدى اخذينه

اوستريا دولتى تبعه سندن انطوائك عساكر شاهانه اونباشيلرندن اسماعيل اغايى اجراى وظيفه حالده تحقير ايلديكى ثابت اولديغندن مرقوم سدن بر يقيق ليراى عثمانى جزاى نقدى آلتسنه

كتيبه سدن احمد شهاب الدين افنديك ميخانه جى مانوك اموال منقوله سنده ايراث خسار ايلديكى ثابت اولديغندن اون بش بشلك جزاى نقدى آلتقه برابر خسار بدلى اولان الهى غروشك دخی آربيجه تضمين ايتدېرلمسه درسعادت وبك اوغلى بدايت

محاكمى جزا دائره لرنيجه قرار وېرلمشدر .

مجازات اينديك

اينوز قضاسى بدايت محكمه سى مدعى عمومى معاوانى وكيل حاجى محمد افنديك مواد معينه وظيفه ماموريتى سوء استعمال اينديكى ادرنه ولايتى استيناف مدعى عمومىلكنجيه اجرا اولئان تحقيقاتى حاوى اوراق مندرجائندن آكلاشله غله مومى الهك سائر ايجاب ايندلر حقنده توحيد تحقيقات ايدلك اوزره محاكمه آلتنه آلتسنه مأذونيت وېريله رك مذكور مدعى عمومىلكه تبليغات لازمه اجرا ايدلمشدر .

اعلانات

بك اوغلى سيايت محكمه سى ايكنجى حقوق دائره سنده :

بغوصيان قريه نك ديورك قضاسنه تابع كوره سين قريه لى اولوب مقدما درسعا دته شايجى خانى اوطة باشيسى ايكن اليوم اقامتكاى مجهول بولئان دولت عليه تبعه سندن كرقور قرقه كوزيان ذمتنده آلاجنى اولان قرق آلتى بىك آلتىوز سكسان طقوز غروشك تحصيلى حقنده بك اوغلى بدايت محكمه سى ايكنجى حقوق دائره سنده اقامه ايلديكى دعوى والولبابده اصولنه توفيقاً اعلان صورتيله وقوعبولان تبليغ اوزرينه مرقوم كرقورك عدم اجابى جهيله غياباً جريان ايدن محاكمه نتيجه سنده مبلغ مذكورك مع مصارف محاكمه مرقوم كرقور قرقه كوزيان تحصيله دائر غياباً صادر اولان ۲۲ مايس سنه ۳۱۷ تاريخ وايكيوز اوج نومرولى اعلامك بر قطعه صورت مصدقه سى محكوم عليه مرقومك بر منوال مشروح غيبوتى جهيله اصول محاكمه حقوقيه قانونك يوز قرق طقوزنجى ماده سنك فقره اخيره سى موجبجه قريه سى مختارنه تبليغ ايدلك اوزره قضاء مذكوره بدايت محكمه سنده بالتحريرات ارسال قلمش ومرقوم كرقورك محل اقامتى اليوم مجهول اولديغندن خانه سنده بولئان زوجيه سنده تسام ايلديكى قريه مختارى طرفدن علم وخبر زرينه شرح وتحقير ايديله رك اعاده اولمش واعلام مذكورك بر قطعه صورتى دخی ماده مذكور حكمنه توفيقاً محكمه ديوانخانه سنده تعليق ايدلمش اولدينى معلوم اولق اوزره اعلان كيفيته ابتدار قلندى .

تجارت بحيره محكمه سنده :

تحت قلعده بالقباى جوارنده كاڻ دكاننده اجراى

تجارت ايدر ايكن تجارت بحريه محكمه سندن افلاسه
حكم اولمش اولان قونديره جي قسطنطين ولد فيليك
خصوصات افلاسيه سنك رؤيت وتسويه سي ضمننده
دعوى وكيلى پاولاكي افدى اصالة سنديك
تعين قلمش اولديغندن مفلس مرقوم ذمتنده آله جنى
اولانلرك قانوننامه تجارتك ۱۹۹ و ۲۰۰ نجى ماده لرى
موجبجه تحقيق ديون ايچون تاريخ اعلاندن اعتباراً
يكرمى بركون ظرفده سنداتى محكمه كاتبه تسليم
ايللى و مدت مذكوره ختامندن صكره اوچ كونده
يعنى ۳۱۸ سنه سي مارتنك سكرنجى بازار ايرتسى
واون طقوزنجى صالى ويكرمنجى چهارشنبه كونلرنده
تجارت بحريه محكمه سنك افلاس اوپه سنه كلهرك
سنديك افدى مواجهه سنده آله جقلىرى اثبات وقيد
وتصديق ايتديرملرى و مدت مذكوره ده اثبات
وجود ايدمىان آله جقلىر حقه قنده قانون مذكورك
۲۱۰ نجى ماده سنه توفيقاً معامله اولنه جنى اعلان
اولنور.

در سعادتده باغچه قپوسنده پوسته خانه جوارنده
چقو تاجرى قالوست مستدوجيانك يكرمى
اوچ شباط ۳۱۷ تاريخندن اعتباراً اعلان افلاسه
ومصالح افلاسيه سنك رؤيت وتسويه سي ضمننده اعضاى
محكمه دن سعادتلو جلال الدين بكك ژوڤ قوميسر
ودعوى وكيلى ديران افدينك موقت سنديك تعيينلرينه
ومغازيله اشياى زائده بيتيه سنك تمهينه واوراق
ودفاترينك جانبه وبوابده كى قرارك موقتاً اجراسنه
محكمه تجارت بحريه جه قرار و يرلمش اولديغندن
قانوننامه تجارتك ۱۷۰ نجى ماده سي موجبجه دائى
سنديكلكر انتخاب اولنق اوزره اوچيوز اون سكر
سنه سي مارتنك اون اوچنجى چهارشنبه كوني ساعت
۷ راده لرنده اصحاب مطلوبك محكمه مذكوره نك
افلاس اوپه سنه كللى اعلان اولنور.

در عليه ده چارشوى كبرده زنجيرلى خان اتصالنده
مفلس اتقعه جي ح. آرياس ذمتنده آله جنى اثبات ويا
موقتاً قبول وقيد ايتديرمش اولان آله جقلىر قانوننامه
تجارتك ايكپوز اون برنجى و آنى ولى ايدن ماده سي
موجبجه مفلس مرقوم طرفندن تكليف اولنه جق
قونقور داتونك مذاكره سيچون بيك اوچيوز
اون سكر سنه سي مارتنك بشنجى صالى كوني ساعت
يدى راده لرنده محكمه تجارت بحريه نك افلاس اوپه سنه
كللى اعلان اولنور.

قاضى قريه سنده مهردارده رضائيه زقاغنده
آغوبيان افدينك عتقاراسنده پدرى نسيم ويدالك

خانه سنده ساكن ايكن تجارت بحريه محكمه سندن افلا-
سه حكم اولمش اولان روبر ويدالك خصوصات
افلاسيه سنك رؤيت وتسويه سي ضمننده ميساق طو-
روسيان افدى اصالة سنديك تعين قلمش اولديغندن
مفلس مرقوم ذمتنده آله جنى اولانلرك قانوننامه
تجارتك ۱۹۹ و ۲۰۰ نجى ماده لرى موجبجه تحقيق
ديون ايچون تاريخ اعلاندن اعتباراً يكرمى بركون
ظرفده سنداتى محكمه كاتبه تسليم ايللى و مدت
مذكوره ختامندن صكره اوچ كونده يعنى اوچيوز
اون سكر سنه سي مارتنك اون آلتنجى جمعه ايرتسى
واون سكرنجى بازار ايرتسى واون طقوزنجى صالى
كونلرنده تجارت بحريه محكمه سنك افلاس اوپه سنه
كلهرك سنديك افدى مواجهه سنده آله جقلىرى اثبات
وقيد وتصديق ايتديرملرى و مدت مذكوره ده اثبات
وجود ايدمىان آله جقلىر حقه قنده قانون مذكورك
۲۱۰ نجى ماده سنه توفيقاً اجرائى معامله اولنه جنى اعلان
اولنور.

اعلامات نظاميه اجراء دأره سنده :
راحل قادينك با اعلام قزارنوا پانده لاكى ذمتنده
محكوم به آله جنى اولان مبالغك تأمين استيفاسيچون
مديون مومى اليك عهده سنده اولوب حيز آلتنه آلتان
خاصكويده كرميدجى احمد چلبى محله سنده خاصكوى
جاده سنده تخميناً ايكي يوز يكرمى آرشون عرصه
اوزرينه مبنى تحتانى ايكي باب دكانى وفوقانى ايكي اوپه
وبرصالون ومذكور خانه نك آرقه جهتنده تخميناً
اوتوز اوچ آرشون باغچه يى حاوى يوز سكران سكر
نومرولى ملك بر باب خانه ومشملا نندن ايكي باب
دكان تمامنك تاريخ اعلاندن اعتباراً اون بش كون
صكره بالمزايدة فروخته تشبث اولنه جنى در سعادت
اعلامات نظاميه اجراء دأره سندن اعلان اولنور.

حسين هاشم بكك با اعلام ناهان افدى به محكوم به
دينى اولان مبالغك تأمين استيفاسى ايچون مديون
مومى اليك پدرى متوفى حاجى على افدينك انتقالاً
عهده سنده اولوب حيز آلتنه آلتان غلظه ده سلطان
بايزيد محله سنده طوپجيار جاده سنده واقع تخميناً يوز
آلتش درت آرشون عرصه اوزرينه مبنى فوقنده بر
بالو محليه برابر شهرى بيك ايكپوز غروش ايجار
كتير يوز سكران آلتى ويوز سكران سكر نومرولى
ايكي باب دكانك آلتيشر حصه اعتباريله بر حصه -
لرينك تاريخ اعلاندن اعتباراً اون بش كون صكره
بالمزايدة فروخته تشبث اولنه جنى در سعادت اعلامات
نظاميه اجراء دأره سندن اعلان اولنور.

ابراهيم افدى حليله سي صدر ك خاتمك بك اوغلى
بدايت محكمه سي حقوق دائره سندن استحصال ايلدىكى
اعلام موجبجه امينه حوريه خانم ذمتنده محكوم به
آله جنى اولان معلوم المقدار مبالغك تسويه سنه مقابل
خاصكويده عبد السلام محله سنده واقع دروننده بربر
كدكى مستقر آلتش اوچ نومرولى مقدما قهوه خانه
اليوم قره غولخانه نصف حصه شايه سي طقسان بر
كون اجرا قلسان مزايده عليه نتيجه سنده ليراي
عثمانى يوز غروش حسابيله ايكي بيك آلتى يوز
غروشه فريده خانم عهده سنده تقرر ايلش ومديونه
حوريه خاتمك رضا وتقريرينه باقلميه رق اجراى
فراغى حقه قنده دفتر خاقانى نظارت حليله سنه اشعار
كيفيت اولندينى حالده مؤخرأ حصه مذكوره به منقلب
اللى بش نومرولى نصف ملك وكذك حصه سنك
داخل مزايده اولوب اولمدينى بيلديرلمش اولديغندن
سالف الذكر اللى بش وآلتش اوچ نومرولرله
مرقم ويكديكرينه منقلب نصف ملك وكذك حصه لره
يوزده بش ضميمه طالب اولانلرك ودها زياده معلومات
آلمق ايسستيانلرك پي اچقريله برابر تاريخ اعلاندن
اعتباراً اوتوز بر كونه قدر و مدت مذكورك انقضا -
سندن صكره احاله قطعيه سي اجرا قلنه جنى در سعادت
اعلامات نظاميه اجراء دأره سندن اعلان اولنور.

اوقاف هايون نظارت حليله سنك جهت كفالندن
با اعلام نظامى متوفى حاجى احمد افدى ذمتنده آله جنى
اولان مبالغك تأمين استيفاسيچون مديون متوفانك
عهده سنده اولوب وره سنه انتقال ايدن خواجه پاشا
محله وجاده سنده ، دروننده بربر كدكى مستقر وفوقنده
بر اوپه يى مشتمل شهرى ايكي ليرا ايجار كتورير
بر نومرولى بر باب كاركي بقال دكانى ملك وكذك نك
نصف حصه سنك طقوز حصه اعتباريله بش حصه سي
بالمزايدة عثمانى ليراسى يوز غروش حسابيله آلتى بيك
اوچيوز ومحل مذكوره وزير اسكه سي جاده سنده
دروننده حاجى كدكى مستقر وفوقنده بر اوپه يى
مشتمل شهرى اون سكر مجيدى ايجار كتورير
يكرمى طقوز نومرولى بر باب سبزده جي وقصاب دكانى
وكذك نك نصف حصه سنك طقوز حصه اعتباريله بش
حصه سي اون بيك بشيوز غروشه طالبى عهده سنده
تقرر ايدر ك موقتاً قراردادده سي كشيده قلمش
اولديغندن يوزده بش ضم ايله طالب اولانلرك يوزده
اون پي اچقريله برابر تاريخ اعلاندن اعتباراً اوتوز
بر كون ظرفده در سعادت اعلامات نظاميه اجراء
دأره سنه مراجعت ايتلى اعلان اولنور.